

Elke Silvia Krystufek, 2024

Föhlaparty

De woikn san no grauorausch
Ois I ummefoa noch Fluridsduaf
Bein Schwendamoakt do hängt fü kunst
A da Peta Növa kummt.

Frogt: wos woa des amoi ?
Ulli & Albert soagn fia Mode
& bringan a Schoko fian Fronz, a guade
Julius erinnert per Eichmann an anodazumoi..

Mia hom füh gredt
Wos hot uns vabundn?
A gsöhschoft ohne föhla
Get net, in ana gsundn.

Hot da Peta Növa gsogt
Von Äl Eh bis in de Tschechei
Hot ois Föhla ghobt
Wos soin ma tuan, oh mei ?
Do Fronz schreibt fon Fickn
Des Posta von da Barbara tuat pickn
Schee on da wond
& da Dscheck hat üban obeschloganen
Fapuz ghängt sei gwond.

Kristof zagt Fotos von seine plastiksackaln
Schee bunt und no ohne gackerl
Sends schreibt so weise
Tot & lebendig san beide leise.

D'Marina zagt Hond & Schua
En Nikola is "SHE" gnuat,
& d'Eva wüh a
Auf ana leinwond so klaa.

Da Anton glaubt de Geista kumma,
Die unsaanaa ruaft,
Do da Schiele is dahambliam
In sana Gruft.

Do Hons-Peta zagt Kreise aus zwatausendzehn
Da homma goa tonzt in Bealin so schee.
Rene zagt a Gsicht mit an Kwadrat so rot
Dem Tobias tuat des Abstrakte guat

Und mia zeichnan de Freiheit
Fia brüda und gleichheit
Da Fronz is heia seventi
S'kuglaprogram twenti

d'Julia mocht zwa X
Doch de gsichta lossts gonz
Erinnerung is nix
Nua Fantasie mocht mi free

Z'feian gibts füh
In da frua steht da lift wida stüh
S'kind is wida zun owetrogn
Schuiioitog - wos sol I eich sogn

Si red fon mein kladl in da nocht
Mia hom füü fotos fias insta gmocht
De schminke a magie
Mei kind wüü a augn so schwoazz wia ii

"Gisela parti" hods unsan ivent darodn
Bin spät hamkuma
Sie hod gschissn ins Bett anstatt Klo zu Sogn
Daun liagts bei mia gaunz noh bis in da fruah

Schaut glicklich und streng
Nua kunst is im lebn zweng
Da Dscheck wiads a gean sehn
Und d'Lili wü aa ausgehn

Drum moch ma no a parti
Septemba twentifeif
Da Fronz mit da Klaudia kumt a hin
Zum sibzga is ea fia unsare omaasch reif

Fon da Johanna hängt a hex F
om Michi liagt a liacht
Nua de Hasaa is a loukl
In dera fluridsduafa Gschicht